

卷之十九 知宣恩縣事 平湖張金



藝文志

把酒問月

唐李白

青天有月來幾時我今停杯一問之人攀
明月不可得月行却與人相隨皎如飛鏡
臨丹闕綠烟滅盡清輝發但見宵從海上
來寧知曉向雲間沒白兔擣藥秋復春
嫦娥孤棲與誰鄰今人不見古時月今月曾

宣恩縣志

卷之十九

藝文

經照古人古人今人若流水共看明月皆
如此惟願當歌對酒時月光常照金樽裏

竹枝詞三首

李白

施州衛舊志南郡府志並載宋黃

山谷宿歌羅驛夢李太白相見於

山間謂曰余往謫夜郎於此聞杜

鵑作竹枝詞三疊世傳之否為誦

三過山谷醉而書馬

一聲望帝花片飛萬里明妃雪打圍馬上

胡兒那解聽琵琶應道不如歸
竹竿披面蛇倒退摩圍山中猢猻愁杜鵑
無血可續淚何日金雞赦九州
命輕人鮓甕頭船日瘦鬼門關外天北人
墮淚南人笑青壁無梯啼杜鵑

和張仲謀送別二首 宋黃叔達

夜郎自古流遷客聖世初投第一人不是
施州肯回首五溪三峽更誰親
五溪三峽漫經春百病千愁逢故人何故

喜心縣志 卷之十九 藝文

看君歲寒後欲將兒女更論親

仙女池 明童景

鶴質雲容去渺茫遠山如愧蜀宮妝絳紗
不繫當年臂池上紅蓮歲歲香

採蕨 國朝商盤

採蕨復採蕨歲生蠻崗峭秋將蕨粉收春
待蕨苗發蕨苗葱翠如禾苗布種不用施
鉏鉏婦女提筐立沙嘴兒童負籠穿山腰
施州地廣民富足况逢五穀穰穰熟比鄰

都有好田園此產還同閩草木君不見嫩
韭初芽薺未花登盤蕨菜定足誇夕陽一
片踏歌起社前競采西巖茶

東門關

賈思謨

晴嵐靄障聳塵寰目極山光景物間千樹
崢嶸含野翠萬峰環抱蔚新顏門留壘蹟
成今隘化洽郵邊輯古蠻駐足欣觀形勝
地楚天一色鎖高關

玉柱峯

賈思謨

宣恩縣志

卷之十九

藝文

三

石柱巍哉插碧空孤峰矗起大崖中披星
戴月曾無異櫛雨沐風自不同勳紀伏波
猶被謗名標諸葛代稱雄幾回翹首青雲
外彷彿龍門百尺桐

高羅訪太白宅

蘇於洛

夜郎傳遺宅青山何處尋空留一片月長
照萬古心仙才繼騷雅煥悴澤畔吟投老
聲名累曠世遙沾襟

東門關

蘇於洛

曉樹依微暗遠村
凌空直上俯朝暎
千層石磴盤雲矗
百丈流泉赴壑喧
地據積高齊北斗
天開重險壯東門
遙知帝座通呼吸
便欲乘風到九閭

高羅曉行

蘇於洛

一灣流水遶孤村
水上梅花照影昏
曉雪衝寒行十里
山家猶自閉柴門

李溪

蘇於洛

疏籬茅屋兩三家
石笋當頭逼水涯
欲訪

宣恩縣志

卷之十九

藝文

四

春風猶未識深山
雪後見梅花

過鴛鴦峽

丁昌

兩崖夾水勢巉峴
我問道佳名興趣多
影接鷗鵬凌碧漢
偶隨鳧雁下沙河
高巖樹杪龍飛壁
屈磴人盤蟻轉磨
自是千秋長比翼
貞心不改水流波

來鳳教匪未靖奉檄守破寨

王三錫

竹架窩蓬木紮城
憑高扼要勢縱橫
獨憐

負戟拋鋤者盡是宣恩鄉勇兵

宣署偶題

張廷烜

熱官何事轉清閑如坐枯禪在此間別後
青山應笑我出山依舊去看山

九日鎮江閣登高作

張廷烜

去年登高同到此奎閣新成歎觀止今年
九日此閣成一東一西恰對恃突兀兩峯
青龍邊接聯雙蓋碧落裏自無而有誰
始邑中由來數二子前有宋宏堯歲歲興

宣恩縣志

卷之十九

藝文

五

修良有以石梁險逕如履平塔刹莊嚴輝
貢水生來性有土木癖誓不破產功不已
後有唐開洋捐助亦復相濟美黃花滿酌
看君飲閣上文星亦應喜感君義舉償君
勞從此人文蟬聯起陳氏二難荀氏八龍
德星重聚高陽里

東門關

張廷烜

巍巍東門關遠望雲端峙連山盡陡絕一
徑披榛始絙引上肩輿緣壁蟻行似未至

山頂憂既至山頂喜山僧滄茗通禪房說
前史蠻崗十八司設險實在此負固今誰
存荒烟剩遺址聞言三太息斯語富且旨
衆志貴成城土崩城斯圯寄語守土人雄
關不足恃

入施南司界

柯煜

漸覺山平遠殊方豈憚行車徒雖簡略父
老尚逢迎樹暖經冬綠溪寒見底清君看
漢循吏半是魯諸生

宣恩縣志

卷之十九

藝文

六

尚民有乞詩者賦此示之

柯煜

踏徧西山路更西山高祇覺白雲低愧無
治行傳三楚略有詩名播五溪夜宿葦林
如過雁曉驚茅店聽鳴鷄更從二酉探奇
秘不負平生古與稽

萬山深處

柯煜

除却樵夫到者誰畫師詞客幾曾窺略無
十步寬平徑但訝千巖孔竅竒轉側豈惟

騎馬滑岩堯祇覺過雲遲丹青百斛殊難
狀那得形容入小詩

猴子嶺

柯煜

木册誠哉險他山不足言莫驚猴嶺峭扶
侍有青猿

清明日山行

邑貢生 田文錦

遊山當令節問景趁初晴林壑無邊綠春
流到處生遙村烟氣靜遠樹鳥聲清鄭重
韶光好呼童問酒情

宣恩縣志

卷之十九

藝文

七

留別宣邑士民古風三十韻

廣陵紀昌期

少時曾負凌雲志自恨蹉跎甘暴棄漸遠
無路捷南宮老大徒傷為未吏去年承乏
來施州一官匏繫寄蜉蝣 君恩祖德

敢背負慎察民情仔細籌宣恩舊屬三苗
地方言雜處人各異弱肉強餐奈若何善
良多被奸宄驚法網森嚴咎犯科刑苛又
慮干天和案牘滿前恒戒惕惟患無辜罹

密羅製錦無才慚孰固忽來過譽成佳句
懸額公堂父母呼更覺汗顏滋惶怖正期
報稱子黎民瓜代相催走風塵新官自有
鴻恩布何須臨別語諂諂愛戴深情思難
補歲規不患談迂腐從來苦口疾可療寄
語士民當聽取此方士風散古處泄柳為
傳澹臺侶非公不至品固高尤當苦讀思
鴻舉古今將相豈家傳惟恃吾儒志意專
雲漢為章誠豹變何難絕後與空前屢課

宣恩縣志

卷之十九

藝文

八

諸生多俊乂自可空羣稱竒驥慎勿畏難
圖苟安及時當奮鯤鵬翅山中水土舊言
薄貧民男婦勤耕鑿家家紡織不停聲夜
闌猶見燈光灼終年辛苦積銅錢銅錢無
多心血乾無端負氣思興訟倒篋傾囊始
泰然官呵吏罵遭荼毒滿腔冤抑徒蒿目
訟卦六爻皆主凶忍耐一時當自足語無
倫次言不精匆匆話別寫真誠士民愛我
如父母好惡何曾遂物情聊憑數語相贈

荅保身保家美不勝他年禮樂聞邑境康
樂呈書秀齒登

壬子冬邑紳送匾懸堂曰缺而冰心
率拈一律荅之

中州趙廣恩

自問難稱百里才深虞有負入山來科條
幸獲從風化桃李還須待日栽士率同鄉
堪固圍兵一舊伍妙儲材因人成事渾無
治溢美躋堂愧舉杯

留別

趙廣恩

宣恩縣志

卷之十九

藝文

九

來宣計歷已三年學製才疎內歎然剪去
獍鴞敢善俗培成桃李結文緣愛深勸諭
殷勤布信久官民意氣聯賦別此心何忍
想一番回首一纏綿

帶兵過東門關

湖南易佩紳

絕壁控荆蠻西征第一關風飄漢旌節雲
壓蜀江山立馬千峯頂搔頭六合間從來
多地險何術靖民頑

擬慕宣恩縣志聯句

封建古巴子 蔡景星 夜郎相傳是

國初隸版圖 張金瀾賦乃科田里仰維教

化宣 邑貢生張光嶽相期人文起連步兩

公來 邑廩生李盛卿翹首萬夫俟風俗日

近醅 張金圻靈秀時鍾美地雖屬偏隅星

源可尋貢水洞伏雙龍竒 瀾峯分三鳳峙

玉柱轟青雲 嶽珍山枕芳沚勝境洵堪傳

卿前賢猶未紀一一待搜羅 圻厯厯探原

委若非簡冊書星竊恐儒林鄙湮沒苦不

宣恩縣志 卷之十九 藝文 十

彰瀾纂輯良有以潛德發幽光 嶽循吏亦

良史落筆千載心 卿留芬百代齒收拾遍

山川圻叅稽列姓氏無將大節疎星有事

新編擬條縷各分陳瀾經營重創始翰墨

鬼神司嶽氣槩風雷使炳炳義烈昭 卿赫

赫春秋祀闡揚垂鉅典 圻矜式存遺軌舉

綱張厥目星存真去其似濡毫賴廣文 瀾

採風集多士舊跡杼見聞嶽芳徽徵彼此

槐柯夢憶黃卿竹枝詞溯李 宋黃山谷夢

間李青蓮竹

三枝詞與古願為徒圻撫今希同揆風流想
像之呈雲山俯仰耳太白祠荒涼瀾將軍
岩礮礮東門扼雄關嶽南郊築高壘曩歲
擾干戈御惡氛近尺咫天險走窮鳥圻
王師却封承安堵話桑麻星鋤奸除棘枳
王同治元年五月獲戶惡比屋豈無鳩瀾邊
疆猶有豸草茅樂熙熙嶽黍稷慶蕤蕤政
和百廢興如民康庶事理四境動絃歌圻
羣材勤礮砥庭壁有懸魚星山城若環雉
宣恩縣志 卷之十九 藝文 十一

高閣耀奎躔

瀾

虛堂綏福履廣儲藝苑才

嶽競騁文場技賓興預籌貲卿膏油助總

晷次第煥新模圻培養萃文梓拔擢備菁

英星甄別志甘旨集思資廣益瀾近言饒

遠指實義有攸歸嶽浮華無足侈道脉寄

延綿卿學業益層累譬為九仞基圻功毋

一簣止精光照汗青星灑氣干霄紫

表慰忠貞瀾馨香壽簋簋彙成記事篇嶽

騰貴洛陽紙鴻裁聿燦然卿蟲雕茂加矣

族

載八邑之乘折歲諸石宇裏星

宜亭即景聯句

春

放眼宜亭景物新
星山光水色為誰春
纔黃未綠官衙柳
瀾淺白深青曲澗蘋
樹底笙簧鶯舌軟
折花間飛舞蝶鬚勻
和風試剪裁詩料
星嫩草披香碎錦茵
斷續錫簫紅杏雨
瀾往來畫舫碧桃津
遊人選勝携芳履
折騷容酣吟落醉巾
大塊文章工組織
星洪鈞造化洩氤氳
毫寫出河陽艷瀾
收拾韶華趁令辰
折

宣恩縣志

卷之十九

藝文

十二

夏

酴醾開過暮春天
折琴奏南薰一曲傳
蛙鼓頻填新雨後
星蝦簾高捲曉風前
敲棋槐院消長晝
瀾作畫蕉窓度小年
種得千竿留客竹
折植來半沼戲魚蓮
團團紈扇揀明月
星隱隱紗厨透碧煙
幾點流螢光熠耀
濕數行飛鷺羽
聯翩招泳此地宜營

館圻解愠伊人待撫絃頭上片雲催好句
星吟成快筆寫長篇瀾

秋

疊嶂層嵐到眼中瀾無邊秋思寫幽衷傳
書征鴈來天北圻盟水閒鷗浴浦東野圃
煙疏寒橘柚星荒階雨滴老梧桐砧聲搗
碎千家月瀾木葉催殘一夜風山郭蕭森
愁旅客圻雲嵐淡遠瘦詩翁黃花酒熟和
香飲星白苧詞高協調同湖上鱸魚鄉夢
宣恩縣志 卷之十九 藝文 十三
冷瀾林間烏鳥舊巢空登臨惆悵迢迢路
圻落日遙情萬樹紅星

冬

四座風生料峭寒星圍爐把酒建騷壇探
香梅嶺同携屐瀾挹秀松巖獨倚欄勁草
經枯山骨露圻堅冰已結水聲殘花飄雪
影書帷透星林飽霜容木葉乾聳到吟肩
驚起粟瀾呵來入手擬跳丸紙窓剪燭温
清話圻羶榻橫琴洽素歡野寺疎鐘敲月

冷星荒城長漏滴更闌印泥他日尋鴻爪
瀾猶記宜亭景一般圻

宣恩八景

蔡景星

晴霽望珠山蒼蒼林表曙積翠滄人家天
風掃不去珠山曉翠

貢水有源頭脈絡自分析光澈湧文瀾胸
懷供洗滌貢水文瀾

崆嶸兩石洞果伏神龍否此洞自千年不
雨泉聲吼洞伏雙龍

宣恩縣志

卷之十九

藝文

十四

何處飛來峰突成三鳳峙一覽千仞巔德
輝鐘毓此峰樓三鳳

自昔來謫仙溪猶以李傳峩峩溪畔石古
色何斑然李溪層石

二女死亦仙冰心結蓮葉至今池水清不
受人間滓仙女池清

壁立萬仞山險要扼東關洞口有飛瀑高
懸碧落間東關飛瀑

城北保民山上有呂仙寺晚來百八鐘敲

破千林翠 呂寺晚鐘

宣恩八景

張金澗

珠山曉色趁新晴
面我軒牕分外明
靈秀獨鍾應管領
羣峰環拱不知名
珠山曉翠半灣貢
水碧盈盈滌盡塵襟空
宦情倘把廉泉移
一勺可能依舊出
山清貢水文澗龍洞幽
深暑亦寒潺潺上下瀉
波瀾涓涓清涇濁分明判
一樣泉流兩樣看
洞伏雙龍何年三鳳集
高岡此日登臨總渺茫
安得

宣恩縣志

卷之十九

藝文

十五

筆花生夢裏飛來山谷吐文章
峰棧三鳳天生麗質壁無瑕
玉臂羞纏蜀絳紗池畔至今雙塚在
冰魂皎潔比蓮花
仙女池清東關屹立翠微巔
匹練高懸碧落邊
石磴千層凌北斗乘風直欲上青天
東關飛瀑層石嵯峨似塔圓
玲瓏疊翠鎖朝烟
清溪何幸留遺蹟鄉曲還能溯謫仙
李溪層石保民山外夕陽沉
隱隱鐘聲度遠岑
敲出禪關一片月
特教清夜警人心
呂寺晚鐘

宣恩八景

張金圻

珠山面我列如屏空翠飛來撲牖櫺三十
 六峯環左右終朝相對佛頭青珠山曉翠
 水繞西南曲折過清流瀉出兩山阿人言
 靈秀鍾於此勿謂涓涓一勺多貢水文瀾
 從來觀水總分明况此泉流判濁清濯我
 纓兮濯我足脩然不使老龍驚洞伏雙龍
 豔稱三鳳集河東誰道飛來此谷中吐出
 祥雲騰五色靈山不與眾山同峯棧三鳳

宣恩縣志

卷之十九

藝文

十六

積石峩峩索幾層倒流溪水亦峻嶒便非
 太白曾來此能到今時眾口稱李溪僧石
 只為羸纏蜀錦裳芳名翻藉玉珍揚蓮花
 也識池清潔從此年年不斷香仙女池清
 巍峩天險自天開關扼東門洵壯哉石級
 高攀千五百一聲飛瀑倒流來東關飛瀑
 呂仙寺外夕陽沉百八疎鐘空外音敲醒
 人間多少夢只憑山月證禪心呂寺晚鐘

宣恩學署槐陰醉卧 郭書

一枕槐陰正午亭。一琴橫處一杯停。睡餘詩味胸中在。山鳥當頭喚不醒。

太白祠懷古

蔡景星

公之詩才世無敵。大羅天上羣仙籍。如公何意羈夜郎。夜郎得公名亦揚。宣恩舊屬夜郎地。今之李溪猶可誌。王杜峯在溪之東。此峰昔有祠祀公。我來溪邊一恁弔。又於峰頂一登眺。荒祠斷碣暝寒煙。天風颭颭吹萬竅。自公去此千百年。歌羅父老能

宣恩縣志

卷之十九

藝文

十七

口傳記得停杯會。問月今古此月白。盈闕我對今月思。古人古人不見祇傷神。公之平生詩與酒。仙可與遊人莫偶。吁嗟乎我亦徒生千載後。遙指山水曰某某。一二遺蹟餘未有。吁嗟乎陵谷變易知。是否峯嵐聳兮溪聲吼。公之名兮終不朽。

高羅道中

咸豐辛酉秋作
辨團練口號

蔡景星

野鳥隨風下。投林借一枝。孤雲淡幽壑。夕照冷空池。牧笛知村近。和鞭覺道遲。紛紛

疆場事烽燧靖何時

過東門關

蔡景星

石壁欹猶立山關叩不開天風空自盪只放鶴歸來

又過東門關

蔡景星

屹屹乎東門山峩峩乎東門山頂之雄關石磴一千五百有六級勾連擬入雲霄間自來此地扼天險一夫當關稱勇敢鬼斧神斤鑿不開萬夫聞之皆喪膽我今躡足

宣恩縣志

卷之十九

藝文

六

詣孤峰巒烟掃淨山萬重天風颼颼動空際冷日摩頂雲盪胸洞口飛瀑天半響澎湃下落千百丈夏有積雪不可融古木虬蟠生莽蒼

小溪

蔡景星

澄澄小溪水悠悠出山谷溪淺不容舟穿巖三十曲

東門關題壁

壬戌秋九月十一日宿此

蔡景星

巨石起雄關城東第一山日窮紅日落胸

盪白雲還踈磬空林外飛泉絕壁間危樓
人宿處星斗手能攀

鷺影潭

在東鄉里治東
七十里

蔡景星

鷺影印迴潭臨流人指顧漁郎打槳歸未
許鷺飛去

萬山吟

張金瀾

宣恩地居萬山裏萬山環繞通迤邐一峯
未平一峯起峯峯應接八百里第一東關
氣象雄千層石磴盤晴空俯視衆山如兒

宣恩縣志

卷之十九

藝文

十九

童恍疑身在蓬萊中飛泉倒掛聲奔瀑山
高水低萬壑通水歸石櫃不可見十里廿
里又忽見泉源起伏神龍變足底白雲飛
片片我來山中遍遊迹一聲長嘯暮山碧
安得陶公五畝宅縱情詩酒永朝夕穿蠟
屐探幽僻慰我生平煙霞癖結詩客浮大
白長歌短歌奏節拍從此萬山瘴癘闢
赴咸豐助剿道中口占

張金瀾

倉卒集鄉兵雄心壯馬纓疾馳踰草壩飛
騎到咸城共奮同仇志爭聽擊鼓聲旌旗
招颭處衝破暮烟橫

師次瑪瑙河

四川西陽所屬

張金瀾

飛騎逐狼氛秋風捲暮雲先聲寒賊膽昏
夜走紛紛

秋日登署後宜山

張金瀾

萬里雲山到眼來荒城新霽畫圖開秋花
冷澹高人瘦古木蕭森舊主裁不盡層巒

宣恩縣志

卷之十九

藝文

二十

空翠合無邊落葉晚風催登臨掃淨愁千
疊一試長吟一舉杯

萬山吟

張金圻

宣恩城在萬山中環城惟見山重重山重
重今我了了只為此緣前身結前身結緣
今了緣未得了緣芒鞋穿我嘗携酒躋山
巔揮毫石上詩連篇舉頭望前山前山邀
我攀回頭望後山後山引我還前山後山
山且多教我一人奈山何吁嗟人生到處

皆吟窩對此東南西北山如螺安得一山
試作一長歌

李溪懷古

張金圻

宣屬古夜郎夜郎名何揚或云夜郎名國
始竹王或云夜郎名縣始有唐我於壬戌
十月遊其處聞有謫仙常流所謫仙降下
來南人笑顏開夢驚歌羅寨愁鎖亂山隈
朝暮聞何物鶻啼血兮猿啼哀縱然一身
苦潦倒猶喜此間溪山好試看滿地愁惟

宣恩縣志

卷之十九

藝文

三

有筆能掃為公置一辭願公一聽之莫恠
竒才無竒遇搜得竒山竒水成竒句吟公
詩讀公文古今第一驗壇飛將軍公之遺
蹟經千年不與高陵深谷同變遷從此小
溪咫尺土姓公之姓亦千古吁嗟乎小溪
何幸亦千古

小關題壁

同治二年七月髮逆犯咸
邊境分防於此

張金圻

深愧不知兵心雄敢請纓漢儀崇整肅賊

騎陋縱橫日暖炫旌色泉鳴答鼓聲何嫌
關獨小泉志已成城

楊柳溪

張金圻

夾岸盡垂楊萬樹倒溪蘊
陡聞短笛聲唱出漁舟帆

和尚岩

張金圻

石梯千級露伶俜高矗雲間接
渺冥岩頂禿如僧頂禿不須修
到佛頭青

溪曲

張金圻

宣恩縣志

卷之十九

藝文

三

路闢雲千重溪穿水百曲
一曲一清心終朝看不足

仙人橋

張金圻

仙自何時來橋自何時起
流泉赴壑喧終古無停止

春曉登泰平山

郡附生

石廉

尋春趁曉步山溪石逕蒼茫路轉迷
日霽烟消回首望桃花隔在數峯西

訪天馬山暮歸

石廉

長堤古樹挂斜暉
回首梵宮入翠微
數里春烟炊火起
一聲漁笛釣船歸
禪林風靜山禽宿
茅店月明過客稀
此際倦遊回旅舍
主人猶自坐柴扉

題將軍山

石廉

昔聞將軍山曾有將軍住
我來訪將軍將軍何處去

新司河秋日登山

邑附生

單敬五

長嘯凌秋風
千山木葉紅
巖邊時遠隔
一

宣恩縣志

卷之十九

藝文

十三

鶴摩晴空

文昌宮送別

邑貢生 張光嶽

古寺宣城外
孤燈逆旅中
惟知憐夜永
那復計詞雄
柳色迷芳浦
濤聲入遠空
明朝揮手去何日
再吟風

文筆山

邑貢生 謝金詔

卓筆擬孤峰
雲烟留墨迹
秋風趁雁行
書破楚天碧

題佛塘

郡增生 唐武聯

何年勝地闢高岑此日登臨度竹深石磴
危盤藏古寺龍潭深鎖鎮禪心堂懸清磬
憑虛響樹老寒蟬自在吟流水高山參妙
境歸途指點暮煙沉

雙溪寺題壁

郝貢生

姚復旦

斜陽古寺粉飄零雨後苔錢綠滿庭樹影
遮門無客到鐘聲渡水有魚聽蕭條小市
人原少寂寞空山佛不靈只有閒僧猶解
事階前竝立看冬青

宣恩縣志

卷之十九

藝文

三

春曉望金碧山

姚復旦

扶桑放曉晴金碧看分明嶺雪春來盡山
雲洞裏生人家圍樹影佛殿送鐘聲更有
斜陽好餘暉散赤城

行軍歌

姚復旦

緩帶輕裘張使君指揮如意生風雲三日
三夜何神速隊伍分明前後軍幕下健兒
肯努力金鼓齊鳴左右翼堂堂正正出縣
城去殺獐獍花面賊賊正飛揚來瀑泉

墟窟匿無人，烟風聲鶴唳。肆燒掠，蛇蝎毒
人如去年，碣樓寂寂賊歡喜。正好尅期到，
貢水有穉可割城，可屠從茲盤踞。萬山裏，
颯颯西風吹將臺，千崖萬谷生悲哀。那知
使君雄且武，飛將軍從天上來。雷轟電掣，
擁驍騎，賊如飢鷹歛病翅。瑪瑙湖邊，玳馬
聲獨讓，我軍有生氣。賊今倘不棄甲逃妖
血淋漓，汗佩刀眼中。烏菟小於鼠，暫歛匣
中龍虎。禕使君來時動山岳，使君歸時笙
報

宣恩縣志

卷之十九

藝文

二十五

天子五馬超擢當在邇，不然綸巾羽扇擁旌旄。
江雨猶有賊如蝥。